

tim fieri faceremus eisdem Saracenis eorum plenariam satisfactionem, per Venetos ad presens existentes ac conversantes in regno Armenie. Alioquin a dictis Venetis violenter extorquerent pecuniam infrascriptam, vellent, nollent. Undè, nos considerantes pericula et damna eminentia dictis vestris Venetis ob talem violentiam, propter commodum et honorem vestrorum Venetorum integre persolvi fecimus infrascriptis Saracenis monetam infrascriptam, nomine et vice infrascriptorum vestrorum Venetorum, secundum quod Saraceni firmaverunt se se debere recipere a vestris Venetis. Bene enim novimus ac certitudinaliter noscimus quod si infrascripta debita scripsissemus predecessori vestro per *Bertucium Gsimano* procuratorem Saracenorum, quia sicut tunc de ducali mandato fuit integre persolutum illis Saracenis petentibus a quibusdam vestris Venetis, ita indubitanter satisfactum fuisset Saracenis infrascriptis. Nam fama pullulante per orbem, inter alias communitates vestra obtinet principatum, scilicet in tribuendo unicuique justicie complementum. Qua propter fraternitatem ac dilectionem vestram requirimus et rogamus, quod sicut pro honore et commodo vestrorum Venetorum infrascriptorum monetam persolvimus infrascriptis Saracenis; ita de vestro ducali mandato existat, quod eandem monetam libere et gratiose valeamus habere; scientes quod, quando nomine infrascriptorum vestrorum Venetorum persolvimus monetam infrascriptam quod ordinavimus primo, quod quilibet Saracenus daret suum cirographum propria manu scriptum quilibet Veneto infrascripto per se secundum consuetudinem eorum, quemadmodum factum fuit pro illis Venetis pro quibus idem Bertucius Grimani Venetias accessit. Et hoc fecimus fieri ad cautelam Venetorum debitorum que cirographa penes nos habemus. Alioquin si infrascriptam monetam per nos solutam infrascriptis Saracenis nomine et vice vestrorum infrascriptorum Venetorum infra annum integraliter non receperimus, ex nunc vestre dominationi ipse declaramus, quod vestros Venetos existentes in regno nostro oportebit eandem monetam solvere integraliter cum expensis, secundum pacta et conventiones contenta in nostris privilegiis vobis concessis per nostros predecessores ac etiam per nos firmatis. — Veneti autem debentes Saracenis ut extrahere fecimus de dictis nostris quaternis